

Na osnovu člana 7. Uredbe o utvrđivanju vlastitih prihoda, načina i rokova raspodjele ( „Službene novine Kantona Sarajevo „ broj: 51/16) i člana 93. Pravila JU OŠ „Hilmi ef. Šarić“ Tarčin, Školski odbor na sjednici održanoj dana 15.02. 2017. godine donosi

## **P R A V I L N I K O KORIŠTENJU VLASTITIH PRIHODA**

### **I. OPŠTE ODREDBE**

#### **Član 1.**

##### **(predmet pravilnika)**

Ovim Pravilnikom utvrđuju se vlastiti prihodi, način sticanja i način korištenja vlastitih prihoda JU OŠ „HILMI EF. ŠARIĆ“ Tarčin,( u daljem tekstu škola ).

#### **Član 2.**

##### **(način uplate vlastitih prihoda)**

Uplata i evidencija vlastitih prihoda vrši se u skladu sa Uredbom o utvrđivanju vlastitih prihoda, načina i rokova raspodjele.

Prihodi se uplaćuju na depozitni račun Budžeta Kantona Sarajevo, a mogu se naplaćivati i u gotovini.

Škola je dužna vlastite prihode ostvarene u gotovini uplatiti na depozitni račun i to najkasnije narednog radnog dana od dana naplate istih, a naplaćena gotovina se ne može koristiti za izmirenje tekućih obaveza

#### **Član 3.**

Škola može ostvarene vlastite prihode koristiti samo u toku fisklane godine, a neutrošeni dio vlastitih prihoda postaje javni prihod Budžeta.

### **II. STICANJE VLASTITIH PRIHODA**

#### **Član 4.**

Pod vlastitim prihodima u smislu ovog Pravilnika podrazumjevaju se prihodi koje škola ostvari od :

1. Donacije i grantova,
2. Pripreme i instruktivne nastave,
3. Realizacije „škole u prirodi“,
4. Izdavanja prepisa dokumenata,
5. Izdavanja u zakup prostora ( sala za tjelesni odgoj, poslovni prostor i dr.),
6. Reklamno – propagandnih usluga,
7. Prodaje otpadnog materijala,
8. Prodaje proizvoda i usluga koje izrađuju učenici u toku praktične nastave,
9. Realizacije pedagoško-metodičke prakse studenata (hospitovanje),
- 10.Participacije u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.),
- 11.Ostalih izvora.

#### **Član 5.**

Cijene usluga kojima se ostvaruju vlastiti prihodi utvrđuje Školski odbor.

#### **Član 6.**

Škola, uz saglasnost roditelja, može vršiti organizovanu nabavku svjedodžbi, dačkih knjižica, zadaćnica, osiguranje učenika, nabavku karti za kino, pozorište i sl.

#### **Član 7.**

Ostvareni vlastiti prihodi, u cijelosti se raspoređuju budžetskom korisniku koji je prihod ostvario.

### **III. NAČIN I ROKOVI RASPODJELE VLASTITIH PRIHODA**

#### **Član 8.**

Prihodi ostvareni po osnovu donacija i grantova raspoređuju se na način kako je donacijom ili grantom namjenjeno.

Ako donator ne odredi namjenu korištenja donacije, škola u cijelosti prihod usmjerava na unapređenje djelatnosti škole.

#### **Član 9.**

Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.

#### **Član 10.**

Škola će vlastite prihode koristiti za pokriće izdataka nastalih obavljanjem poslova iz Člana 4. Pravilnika, a ostatak za tekuće i kapitalne izdatke

### **IV. PRAĆENJE NAPLATE I RASPOREĐIVANJE VLASTITIH PRIHODA**

#### **Član 11.**

Škola je dužna da redovno prati, putem izvještaja koji dobije od Ministarstva finansija, dospelost i naplatu vlastitih prihoda.

Direktor škole je odgovoran za potpuno i pravovremeno uplaćivanje vlastitih prihoda na depozitni račun, putem računovodstvene službe škole.

#### **Član 12.**

Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

### **V. ZAVRŠNE ODREDBE**

#### **Član 13.**

Izmjene i dopune ovog Pravilnika vrše se na način i po postupku predviđenog za njegovo donošenje.

## **Član 14.**

Ovaj Pravilnik stupa na snagu danom davanja saglasnosti od strane Ministra obrazovanja i nauke Kantona Sarajevo, kada i prestaju važiti odredbe Pravilnika o korištenju vlastitih prihoda br. 498/11 od 03.10.2011. godine.

Broj : 77/17

Tarčin: 15.02..2017. godine

Predsjednik Školskog odbora

---

Alija Kazić, prof.

Bosna i Hercegovina  
Federacija Bosne i Hercegovine  
Kanton Sarajevo – Općina Hadžići  
Osnovna škola „Hilmi ef.Šarić“ Tarčin  
Broj: 78/17  
Dana, 16.02.2017.godine

**KANTON SARAJEVO**  
**Ministarstvo obrazovanja i nauke**

Predmet: Saglasnost na Pravilnik o korištenju vlastitih prihoda Javne ustanove Osnovne škole „Hilmi ef.Šarić“ Tarčin

U skladu sa članom 7. Uredbe o utvrđivanju vlastitih prihoda, načina i rokova raspodjele (Sl novine Kantona Sarajevo broj. 51/16), obraćamo vam se zahtjevom da date Saglasnost na Pravilnik o korištenju vlastitih prihoda JU OŠ „Hilmi ef.Šarić“ Tarčin, protokolirana pod brojem: 77/17 od 15.02.2017.godine.

Prilog: Pravilnik o korištenju vlastitih prihoda JU OŠ „Hilmi ef.Šarić“ Tarčin

Direktor škole

---

Nermin Subašić